

INUIT ATAQATIGIIT

Inatsisartuni



5. februar 2018

Inatsisartut Suleriaasianni § 37 imm. 1 naapertorlugu Naalakkersuisunut apequt imaattoq matumuuna saqqummiuppara.

Naalakkersuisunut apequt:

- 1. Aalisarnermut akuersissutit amerlavallaartut aamma aalisartut amerlavallaartut KNAPK-p oqariartuuteqarnera aamma Aalisarnermut Naalakkersuisoqarfiup isumaqatigaa?**
- 2. Aalisartut amerlavallaarsiappata aalisartunik ikilisaaniartoqarpa?**
- 3. Aalisartut amerlavaallaarsimangippata Naalakkersuisut akuersissutininik tunniusseqqinnissaminut piareersimappat?**
- 4. Aalisartussanik nutaanik qaleralinniarnermut akuersissutininik sulitunniusseqqittoqarsinnaasoq Aalisarnermut Naalakkersuisoq isumaqarpa?**
- 5. Aalisarnermik inuussutissarsiut ullumikkut aalisakkanut akuersissutininik piomasqaateqarfiusunut pulatitseqqinnissaq periarfissagissaartoq Naalakkersuisut oqaatigisinnaavaat?**
- 6. Aalisarnek pillugu inatsisissap suliarineqarneranut innersuusiinnarnatik Naalakkersuisut aalisartut nutaat qaleralinniarnermut, raajarniarnermut, avaleraasartoornernermut avataanilu ammassanniarnermut akuersissummik tunissallugit ullumikkut Naalakkersuisuniit periarfissaqartinneqarpat? Aappiuppat naaggaappallu tunngavilersuutissat suuppat?**
- 7. Aalisarnermut inatsit pillugu ataatsimiititaliarsuaq pilersinneqartussat pillugu kikkunnut isumaqatigiissusiortoqarpa?**
- 8. Aalisarnek pillugu inatsisissaq suliarineqaqqullugu isumaqatigiissusiortoqarmat ataatsimiititaliarsuup suliassaattut suut Naalakkersuisuniit suliakkiissutigineqarpat?**
- 9. Naalakkersuisut isumaqarpat Aalisarnermut Naalakkersuisoqarfiup suliarissagaa aalisarnermik inatsit aalisartunik amerlanerusunik aamma raajarniarnermik ingerlatsinerme aalisartunik nutaanik amerlanerusunillu inuussutissarsiortoqalernissaa anguniassagaat?**
- 10. Aalisarnermut inatsimmi politikikkut piomasqaatit Naalakkersuisuniit suuppat?**
- 11. Naalakkersuisut politikikkut piomasqaateqarnatik suliassaq tamaat ataatsimiititaliarsuarmut isumagisassanngorlugu tunniuppaat?**

(Inatsisartuni ilaasortaq Aqqaluaq B. Egede , Inuit Ataqatigiit)

Tunngavilersuut:

Ulluni kingullerni tusagassiorfitsigut oqallisigineqartut aamma Naalakkersuisuniit oqaatigineqartut pillugit paasisutissat pingaarutillit ujartortariaqartut apeqqutigaakka akineqaqqullugit. Aalisarnermut Naalakkersuisoqarfiup inatsisissaq pingaarutilik pillugu apeqqutininik amerlæavallaanik akisinnaasanninnera polæitikkikkut siunnerfimmik ujartuinarsititsivoq. Apeqqutilli akineqarnerisigut neriuutigaa aalisartut aamma

aalisartitseqatigiiffiik nalornissuteqarnerat millisinneqassasoq. Tamanna aamma Inatsisartuni suleriaqqinnissatsinnut aalajangiisorujussuummat.

Kissaatigaara apeqqutit ullut qulit qaangiutsinnagit akineqarnissaat.